

HAMMIITTÄS

## Riehtiministeriö asättäs

### Sämitige vaaljâin nuávdittum monáttálmist adelum riehtiministeriö asättäs nubástutmist

Riehtiministeriö miárádás miáldásávt  
*komettuvvoo* sämitige vaaljâin nuávdittum monáttálmist adelum riehtiministeriö asättäs (965/2006) 4 § 2 moomeent,  
*nubástuttojeh* asättäs 1 §, 2 § 1 moomeent, 5 já 6 §:h já  
*lasettuvvoje*h asättäsân uddâ 5 a já 5 b §:h čuávuvávt:

#### 1 §

Sämitige vaaljâi aalgátmist, valjáluváttálmân ucáluumist já valjáluváttálmist meddâlistmist sehe valjálávdikode čujottásást kalga almolávt kulluuttiđ majemustáá valjâive oovdeb porgemáanu 15 peevi almostittum almottássáin.

#### 2 §

Valjáluváttálmân ucáluvvee olmooš kalga lahted ucámušân:  
1) lyetittettee čielgiittás sämitiggeest adelum laavâ (974/1995) 3 § 1 saajeest uáivildum sâmikielâ oppámist vuossámužžân kiellân; tâi  
2) spesifistum tiáđu, mon vuáđuld valjálávdikodde puáhtá páhudiđ, et aainás-uv ohtá suu vanhimiyn lii merkkejum tâi lii lamaš merkkejum jienâstemvuoigâdvuodâlâžžân uddâivemáanu 1. peevi 2027 tâi tast maņa uárnejum sämitige vaaljâin.

#### 5 §

Sämitige vaaljâi iávtukkâsluváttállâm kalga adelid tiáttun ájättálhánnáá ton kiergátem maņa almoliyn kulluuttássáin.

Iávtukkâsluváttállâm tuálloo vaaljâi ääigi uáinimnáál jyehi sâmmilij päikkikuávlv kieldâst valjálávdikode meridem soojijn já ton lasseen jieškode-uv jienâstemsajeest.

#### 5 a §

Iávtukkâsluváttálmist lii ohtsâš paječaalâ, mii spesifist vaaljâ, sehe luváttállâm iávtukkâsâin nummeeroornigist älgimáin iávtukkâsnumerist 2. Iávtukkâsâi oornig luváttálmist šadda valjálávdikode olášuttem vuárbádem vuáđuld.

Jyehi iávtukkâsâst merkkejuvvo iávtukkâsluváttálmân nummeer, nommâ já árvu, áámmát tâi toimâ enámustáá kyehti edâlduv kevttimáin, sehe päikkikielâ. Iávtukkâs ovdânoomâ paaldâst tâi ton saajeest puáhtá kevttiđ iávtukkâs almolávt tubdum sárnuttállâmnoomâ tâi ovdânoomâ uánidum háámist. Iávtukkâs aalmugtiátuvuáhádâhân merkkejum noomâ paaldâst puáhtá kevttiđ meid iávtukkâs sâmmilii noomâ.

#### 5 b §

Väljeijeovtâstus iávtukkâsucámušâst kalga leđe:

1) iávtukkâs tieváslâš nommâ já táárbu miel iávtukkâs sâmmilâš nommâ, almolávt tubdum sárnuttállâmnoomâ tâi ovdânoomâ uánidum háámist, persovntubdâldâh, árvu, áámmát tâi toimâ enámustáá kuovttijn edâlduvváin sehe päikkikielâ já čujottâs; já

2) iávtukkâs kirjálâš mietâmuš älgid sämitige koččâmušâst leijee vaaljâin iávtukkâssân.

Väljeijeovtâstus jesâneh kalgeh merkkiđ peivimere já vuáláčäällid iávtukkâsucámuš já merkkiđ toos persovntubdâlduváidis.

6 §

Vaaljái toomátmist já valjâpeeivi jienâstmist kalga kulluuttid majemustáá kyehti oho ovdil valjâtoimáttâs algâtem.

Taat asâttâs šadda vuáimán peeivi máánu 20 .

Helsingist x.x.20xx

Riehtiminister Leena Meri

Ráđádellee virgeolmooš Jasmiina Jokinen